

西安事變紀事詩

李基鴻
自署

MG
I226
505



3 2173 8964 6

虎穴鞞刀事已過。莫令歲月更圖書。
河山百戰收回後。要向蓬瀛一洗戈。

陳誠敬題

二十八年十二月十二日於重慶

當年事變撼神州。豈忍乾坤一擲休。
世局興衰關轉捩。沛乎浩氣古今留。


蔣鼎文敬題

二十九年六月十日於西安

夢影白登換劫塵。五年血戰倍艱辛。
悲歌慷慨餘詩史。留取河山不盡春。

朱紹良敬題

三十年二月十日



(南)

回首長安似弈棋。當時一局繫安危。
如今濡筆題詩史。自有風雲與護持。

衛立煌敬題

玉壘浮雲變幻中。驪山烽炬燭天紅。
從龍猶憶蒙塵日。已肇中興郅治隆。

郭寄嶠敬題

詩史新編太瘦生。臨潼往事愴懷深。
萋弘碧血千秋在。留與人間話不平。

蔣作賓敬題

風波平地起華池。碧血丹心憶舊時。
一代安危憑砥柱。羣倫鼓舞屬新詩。

毛慶祥敬題

三十一年八月

華清一水逐顏開。閱險曾同繡嶺來。
他日中興衡往跡。書生端合畫雲臺。

汪日章敬題

西安變亂紀事詩 自序

基鴻生平遇危難屢矣，以孫總理蒙難廣州，蔣委員長蒙難西安，均相從親歷為最著，壬戌陳炯明叛變，以兵圍攻總統府，孫總理得林直勉奔告，間道至海珠，乘艦駛黃埔，復攻回白鵝潭，基鴻留沙面，通消息於許軍長，迨許軍回攻，至火山岡田失利退閩，孫總理之滬，基鴻亦同滬轉閩，是雖艱險備嘗，身體固自由也，西安事變，張學良楊虎城以兵諫為名，圍攻華清池行轅，劫持蔣委員長於西安，終因蔣委員長人格偉大，以正氣克服叛徒，不敢稍有陵犯，然在西安之中央各委員，各高級將領，及基鴻，二十餘人，同被拘禁凡十有四日，視廣州痛苦尤甚，乃於被禁時，得七絕八首，返京復得八首，紀其事實，無一謬言，工拙不計也。

西安變亂紀事

誰教劇變起長安。風鶴頻驚膽欲寒。忽報元戎車騎刦。愴懷國步更艱難。

民國二十五年十二月十二日，張學良楊虎城叛變，刦持蔣委員長於西安，是日自晨至夕，鎗聲四起，全城混亂，幾有風聲鶴唳，草木皆兵之況。

逆計安排妄逞兵。中朝文武禁危城。楚囚相對渾無語。但見紅巾亂縱橫。

陳總指揮誠辭修，閻綏靖主任蔣鼎文銘三，甘綏靖主任朱紹良一民，豫鄂皖邊區主任衛立煌俊如，豫鄂陝邊區主任陳繼承武鳴及其夫人，第二十五軍軍長萬耀煌，武撫及其夫人，軍事參議院院長陳調元雪軒，西北總司令

部參謀長晏道剛，內政部部长蔣作賓，兩嚴，中央委員張冲，淮南，參謀長郭寄嶠，龔運陽，侍從室組長邵存誠，明仁，侍從室秘書汪日章，毛慶祥，葛武榮，科長王新衡，由歐美考察回國之蔣百里先生，及基鴻，十二晨同被禁於西京招待所大廳，任兵搜索，不准談話，該叛兵有臂纏紅布者，旋折除，是晚將諸人分禁於樓上，每人一室，派兵看守，嚴禁出入，十五日移禁於豐阜里仁壽里。

血灑車塵濺滿衣。將軍頭斷幾何時。常山古並睢陽齒。青史古今一律垂。

錢侍衛長大鈞，葬尹為叛兵鎗傷，流血滿衣，幸未致死，楊憲兵團長鎮亞，被擊斃，蔣組長孝先，蕭秘書乃華，

及侍衛員兵數十人，同死於難，邵委員元冲，九日在京廣播電台播講，糾正一班思想，十二日被叛兵擊傷致斃。

排空飛救好男兒。底甚元戎被刼持。忠憤一腔臨虎穴。拚將熱血灑清池。

某機師聞西安亂訊，由洛陽架飛機入臨潼，駛落華清池時，蔣委員長已被刼持去西安，某機師因之受傷。

善觀天象衛將軍。彗孛胡星月掩雲。不道蒙塵清露急。滿城蛇豕亂紛紛。

聞衛主任俊如，夜觀天象，有彗星入斗，而雲暗無月，陰森不辨方所，次晨亂作，統帥被刼，有先兆焉。

岸然稱霸遼東豕。可笑沐猴亦戴冠。竊據漢家城闕上。洵洵

蟻賊滿長安。

西安變亂，張學良自稱為聯軍軍事委員會委員長，楊虎城副之。

艱危擋住老成人。三顧釣臺問計頻。一語驚心能破的。將軍莫失自由身。

蔣百里蔣雨巖兩先生，同羈一室，張學良來，自承作事，鹵莽望賜教，雨巖先生云，事已至此，第一蔣委員長爲唯一領袖，要保持其尊嚴，第二要君不失掉自由，第三要趕緊謀一穩受下台方法，張以爲然，乃請百里先生見蔣委員長面商，下手令派蔣銘三飛洛轉京。

慷慨軒昂娘子軍。誓同生死不離羣。寢門一聞鎗聲起。錦被翻成亂縠紋。

萬武樵之夫人，陳武鳴之夫人，均被拘留西京招待所，時叛兵令夫人等離開，皆不肯去，萬夫人云，生死要同在一處，陳武鳴及其夫人，甫開室門，彈已紛入，衣被為彈擊爛。

括去衣囊搜盡匪。匪中尚有行軍圖。平戎策畫君知否。檢點軍書記也無。

陳總指揮之衣箱，為叛兵刮去，其皮夾中之國防計畫，與蔣委員長行轅之重要文件，及親筆日記，均為張學良搜閱。

黑貂裘敝無何有。鷄血章新亦不存。太息正宗臨濟傳。再經幾刮也難論。

蔣部長雨巖行囊盡失，新製之鷄血章，亦為搜去，基鴻

衣箱雖存，而舊黑羔袍一襲已失，最可惜者，在西安市所得之臨濟宗傳法譜，蓋有法印，竟為搜去。

一師三十萬軍儲。齋與征人滿載車。禍起無端兵寇刦。聚糧三月復何如。

某師西安辦事處，十二日晨解軍餉數十萬於前方，中途為叛兵刦去。

授餐四簋間八珍。長齋佛子思秋尊。更將楮葉供遊戲。時課楞伽結淨因。

移羈於豐阜里仁壽里時，每餐四盤一鍋，皆葷鮮，基鴻茹素，另食二蔬一羹，張派周科長文章，每人贈二百緡麻雀牌陪克牌各一副，鎮日無事，共為遊戲，基鴻每晨夕，課金剛經三卷。

東師指日叩潼關。西去將軍策馬還。南北合圍屯渭水。陣雲
羃羃灞陵間。

十六日，中央軍已入潼關，佔華陰，進至赤水渭南間，
南路軍由漢中進逼，西北路胡宗南毛炳文各軍，拔師回
陝，中央飛機在渭南臨潼長安三原等處偵察示威。

兵氣銷為日月光。新城三老費商量。夫人勝算操帷幄。第一
功仍屬渭陽。

蔣百里蔣雨巖蔣銘三三先生，為西安事變轉圜最力之人
，十七日，蔣銘三先生持蔣委員長手令，及張學良函
，飛洛轉京，報告中央，邀宋委員子文十九日同飛陝，
見蔣委員長，并與張洽商，二十日，宋委員飛回京，
二十一日，與蔣夫人再度飛陝見蔣委員長及張商安。

張親送 蔣委員長飛洛，二十五日回京。

階下囚為座上賓。當筵莫話舊酸辛。主賓相對一相笑。作劇陳公最出塵。

二十五日六時，綏署以張學良楊虎城名義，公宴被禁各中央委員，各將領等數十人，楊虎城與東北各將領作陪，陳院長雪軒與楊對坐，談話較多，十五日，由西京招待所移豐阜里仁壽里時，萬軍長夫婦同一車，陳主任夫婦同一車，陳院長與陳主任之傭婦同一車，儼然夫婦，陳院長並戲謂，尚須作蜜月旅行，被禁諸人，於無聊時引為笑談資。

霜天雪霽報春回。華嶽頑雲一撥開。却為元戎歸上國。安然扈蹕共追陪。

冬至為耶誕日，聞廣播機中，音樂悠揚，經聲朗徹，次日蔣委員長飛回首都，各中委各將領於二十六日同回。

以上所紀諸人，係同羈一處者，其他若邵主席力子，朱廳長鐸民等，另禁他處，未敘及之。


再有一事堪記者，蔣委員與蔣夫人結婚之金錶一只，白金戒一只，私章一方，於一月後，經西安之鐘錶商於兵士手中購得，專誠送京，由基鴻轉呈。

附基鴻致力革命服務黨國略歷

乙巳在日京入同盟會，任暗殺部事，謀刺載灃未果，與張繼宋鎮華劉鐵蔣文漢諸同志，在錦輝館打散梁啟超召集之憲政會，庚戌赴新加坡在先烈許雪秋家，設革命機關，任書記，運動革命曾被拘十七天，旋赴檳城，及荷屬之巴達維亞，三寶瓏，泗水等埠聯絡同志，在泗水助辦漢文新報，鼓吹革命，辛亥，參加武昌起義，與先烈田桐代表鄂都督歡迎先總理至武漢，壬子在北京任國光新聞總編輯，以記者資格，隨先總理謁十三陵登萬里長城，遊張家口擔任紀錄，所有演詞，分載各報，先烈宋遜初被刺後，隨各同志南下討袁，癸丑，贛甯之役，失利赴滬，乙卯，又隨田桐在漢任討袁軍事，加入中華革命黨，丙辰，赴滬辦海上新聞通訊社，旋赴閩粵

在援閩討賊討逆軍幕中服務八年，北伐後，任湖北河南福建南京各省地方財政七年，辦理禁煙六年，近協助政務考核四年，在南京重慶兩市，從事基層黨務工作五年，前歲重慶市黨員總考績，蒙

總裁給予工作努力成績最優獎字第一四二九之獎狀。



82

404043

